

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës („Gazeta Zyrtare e Republikës së Maqedonisë“ nr. 145/10, 136/11, 41/2014, 53/16, 83/18 dhe „Gazeta Zyrtare e Republikës së Maqedonisë së Veriut“ 208/24 dhe 16/25), duke vepruar sipas njoftimit për përqendrim të parashtruar nga Foxtrot Midco LP, me seli të regjistruar në adresën 4001 Kennett Pike, Suite 302, Wilmington, Delaware, Shtetet e Bashkuara të Amerikës, përmes Jane Ilijeski, avokat nga Shoqëria e Avokatëve Qiku dhe Partnerët nga Shkupi, në seancën e mbajtur më 17.08.2026, miratoi këtë:

AKTVENDIM

1.Vërtetohet se përqendrimi me të cilin Foxtrot Midco LP, me seli të regjistruar në adresën 4001 Kennett Pike, Suite 302, Wilmington, Delaware, Shtetet e Bashkuara të Amerikës, synon të fitojë kontroll mbi sipërmarrjen për përbërësit ushqimor të International Flavors & Fragrances Inc., me seli kryesore ekzekutive në 521 West 57th Street, New York City, 10019, Shtetet e Bashkuara të Amerikës, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë parandalimin, kufizimin ose shtrembërimin e konsiderueshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve, dhe **është në përputhje me dispozitat e Ligjit për Mbrojtjen e Konkurrencës, në kuptim të nenit 19, paragrafi (1), pika 2) të Ligjit për Mbrojtjen e Konkurrencës.**

2.Detyrohet parashtruesi i njoftimit për përqendrim të paguajë taksë administrative për njoftimin për përqendrim në vlerë prej 6.000 den. dhe për aktvendimin në vlerë prej 30.000 den., sipas numrit tarifar 34 të Ligjit për Taksat Administrative (“Gazeta Zyrtare e Republikës së Maqedonisë” nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe “Gazeta Zyrtare e Republikës së Maqedonisë së Veriut” nr. 151/21) në llogarinë e Buxhetit të Republikës së Maqedonisë së Veriut nr. 100000000063095, llogaria e pagesës 840...03161, shifra e të hyrave dhe programi 72231300.

3.Padia për ngritjen e kontestit administrativ nuk e pezullon ekzekutimin e aktvendimit.

Arsyetim

Në përputhje me dispozitat e nenit 15 të Ligjit për mbrojtjen e konkurrencës (në tekstin e mëtejshëm: Ligji), më datë 20.07.2026 në Komisionin për Mbrojtjen e Konkurrencës është dorëzuar njoftimi për përqendrim nga Foxtrot Midco LP, me seli të regjistruar në adresën 4001 Kennett Pike, Suite 302, Wilmington, Delaware, Shtetet e Bashkuara të Amerikës, me të cilin Foxtrot Midco LP synon të fitojë kontroll mbi sipërmarrjen për përbërësit ushqimor të International Flavors & Fragrances Inc., me seli kryesore ekzekutive në 521 West 57th Street, New York City, 10019, Shtetet e Bashkuara të Amerikës.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin për përqendrim dhe shtojcat e tij, konstatoi si vijon:

Aktivitetet kryesore afariste të ndërmarrjeve të përfshira:

Foxtrot Midco LP është një shoqëri investuese me qëllim të posaçëm e sapothemeluar, në pronësi të tërthortë dhe e financuar nga fondet e CVC (siç janë përcaktuar më poshtë).

CVC plc është një shoqëri publike me përgjegjësi të kufizuar, aksionet e së cilës janë të kuotuar dhe të pranuar për tregtim në Bursën Euronext Amsterdam (Euronext Amsterdam Stock Exchange). CVC plc është e themeluar në Jersey.

Për sa i përket aktiviteteve me kapital privat të Rrjetit CVC, CVC plc, në mënyrë të tërthortë përmes disa prej shoqërive të saj të varura, ofron këshilla investimi dhe/ose menaxhon investimet në emër dhe për llogari të fondeve dhe shoqërive investuese të caktuara ("Fonde CVC"). Fondet CVC kanë pjesëmarrje në shumë shoqëri aktive në industri të ndryshme në botë, duke përfshirë shërbimet financiare, kimikatet, shërbimet komunale, prodhimin, shitjen me pakicë dhe dërgesat, në Evropë, SHBA dhe në rajonin Azi-Paqësor.

Rrjeti CVC i shoqërive të kontrolluara të portofolit realizon qarkullim në Republikën e Maqedonisë së Veriut kryesisht përmes shitjes së produkteve dhe shërbimeve të destinuara për konsumatorët dhe subjektet afariste, në sektorë të tillë si teknologjia, shëndetësia, ushqimi dhe pijet, si dhe shërbimet industriale.

Biznesi i synuar zhvillon, prodhon dhe shet zgjidhje për përbërës për industrinë e ushqimit dhe pijeve me seli në Nju Jork. Biznesi i synuar është i pranishëm në nivel global përmes shtatë linjave të prodhimit: (i) Sisteme të prodhimit, (ii) Zgjidhje proteinash, (iii) Emulgatorë, (iv) Aditivë për strukturë, (v) Shtesa ushqimore, (vi) Ëmbëlsues, fibra dhe biopolimere, (vii) Mbrojtja e ushqimit, dhe mban kapacitete prodhuese në nivel global.

Biznesi i synuar realizon të ardhura në Maqedoninë e Veriut përmes shitjes së pesë kategorive të produkteve: Emulgatorë, Zgjidhje proteinash, Ëmbëlsues, Sisteme të prodhimit dhe Aditivë për strukturë.

Komisioni konstatoi se përqendrimi i paraqitur bie nën dispozitat e Ligjit, pasi i plotëson kushtet e nenit 12 paragrafi (1) dhe nenit 14 paragrafi (1) pika 1) të Ligjit për Mbrojtjen e Konkurrencës.

Komisioni, duke marrë parasysh kriteret e nenit 17 paragrafët (2), (3) dhe (4) të Ligjit për Mbrojtjen e Konkurrencës dhe pikën 6 b) të *Udhëzimeve për përcaktimin e rasteve në të cilat, gjatë vlerësimit të përqendrimeve, Komisioni për Mbrojtjen e Konkurrencës zakonisht do të konstatojë se ato janë në përputhje me Ligjin për Mbrojtjen e Konkurrencës*, vlerësoi se përqendrimi i paraqitur, edhe pse bie nën dispozitat e Ligjit, është në përputhje me të njëjtin, pasi nuk do të ketë si pasojë pengimin, kufizimin ose shtrembërimin e ndjeshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve.

Duke pasur parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij aktvendimi mund të parashtrohet padi për ngritjen e kontestit administrativ pranë Gjykatës Administrative, në afat prej 30 ditësh nga dita e pranimi të aktvendimit.

**KOMISIONI PËR MBROJTJEN E KONKURRENCËS
KRYETARE**

Mr. Малинка Силјановска Николиќ